

孝
文公朱先生感興詩
朱文公武夷權歌



孝詩序

寒齋力辭聘召。死於隱約。子同合以表其阡。旌其閭。爲未足也。行其書焉。嗣其學焉。同又撫載籍以來。孝於父母者。事爲一詩。詩具一意。各二韻二十字。積至三百首。起邃古。迄叔季。兼取明大理。未嘗異也。事陳而意新。辭約而義溥。賢於煙雲月露之作遠矣。寒齋之事寶章也。視調脯湯饗之節。以康其體。躬場圃井臼之勞。以裕其力。人知寶章之勇於退。而不知其退之有以自樂也。同合之事寒齋也。亦然。昔曾元養參。已不如參之養皙。石奮諸子。恬候稍不逮。逮至孫而孝謹遂衰。今石塘之林。奕世家法。嗣守不失墜。有古人所難能者。惜其弟兄俱未脫白。修於家。浮沈於閭里而已。余嘗恨世儒。率華過其實。若同之操行。蓋漢孝廉之盛舉也。詞藝亦唐進士之高選也。頃良齋謝公。嘗彙孝史五十卷。上之阜陵。同此詩。他日必與謝公之史並行。淳祐庚戌白露節前。史官劉克莊序。

孝詩

宋 長樂林 同季野

堯

道之大原出於天。堯以是道傳之舜。堯舜之道。孝悌而已矣。
道原自天出。堯以是相傳。曰孝悌而已。人人具此天。

舜

大孝終身慕父母。予於大舜見之矣。

孩提知所愛。妻子具而衰。大孝終身慕。予於舜見之。

禹

禹、傷先人之功而不成。勞身焦思。八年於外。啓呱呱而泣。予弗子。惟荒度土功。

傷心九載績。焦思八年中。啓亦呱呱泣。惟思度土功。

湯

葛伯不祀。湯使亳衆往爲之耕。奉先思孝。

奉先思孝也。不祀豈其情。以至使亳衆而甘爲葛耕。

孝詩

文王

朝於王季。日三雞初鳴。至寢門外。問安否。何如。日中至。及暮。文至亦如之。問安寢門外。旦旦俟雞鳴。以至日中。晨居常盡此誠。

武王

文王有疾。不說冠帶而養。文王再飯。亦再飯。疾閒。曰。女何夢。夢帝與九齡。經言事父孝。所以事天明。疾閒加再飯。夢中與九齡。

周公

我之弗辟。我無以告我先王。辟。馬鄭音避。謂避居東都。東山。周公東征。我避故云辟。東行是謂征。先王猶可告。豈爲伐而刑。

孔子

子曰。所求乎子。以事父未能也。事親良不易。戰戰兢兢。學得如夫子。猶言邱未能。

顏子

謂子路曰。去國則哭於墓而後行。返其國。不哭。展墓而入。返必展墓入。去當哭墓行。誰知顏氏子。事死乃如生。

孟子

幼、被慈母三遷之教、長、師孔子之孫子思。

如何年稍長、汲汲子思師、知是爲兒日、三遷感母慈。

右聖人之孝十首。

契

契以司徒、教以人倫、父子有親、

天性生雖具、人倫教可無、往哉親父子、汝契作司徒。

元凱

左傳、季文子曰、孝敬忠信爲吉德、高陽、高辛氏、有才子、謂之八元八凱、

當知元與凱、不出孝而忠、能舉十六相、斯爲舜大功。

孝己

武丁之子、莊子云、人莫不欲其子之孝、孝己、憂而曾參悲、

子則教其孝、人皆有是心、如何武丁聖、卻使子憂深。

微子

微子之命曰、爾惟恪慎克孝、微子去之、子曰、殷有三仁焉。

孝詩

豈計身封宋。祇愁祇絕殷。不惟稱克孝。亦自首三仁。

秦伯

季歷有聖子。知太王欲立之。逃奔。子貢曰。秦伯端委治吳。仲雍斷髮文身。爲憐季有子。逆探父傳賢。斷髮文身事。誣哉司馬遷。

康叔

元惡大憝。矧惟不孝不友。子弗祇服。厥父事大傷。厥考心乃其刑。茲無赦。勿云服父事。不敬亦無傷。元惡與大憝。邦刑自有常。

君陳

惟爾令德。孝恭惟孝友于兄弟。克施有政。命汝尹茲東都。敬哉。爲爾有令德。存心孝且恭。推之施有政。往矣尹茲東。

伯奇

尹吉甫子履霜。操云。無衣兮兒寒。無食兮兒飢。兒罪當笞。逐兒奚爲。無食又無衣。逐兒安所之。不辭履霜苦。猶謂罪當笞。

晉文侯

平王錫文侯秬鬯圭瓚。曰。汝克昭乃顯祖。追孝于前文人。若汝子嘉。

嘉汝故錫汝。非將王展親。克昭乃顯祖。追孝爾文人。

衛武公

年九十。猶日警於國曰。必朝夕以交戒我。又孝子之身終。

孝子身終者。非終父母身。武公年九十。戒我尙諄諄。

齊孝公

伐魯。展喜犒師曰。豈其嗣世而棄命。若先君何。君必不然。齊侯乃還。

豈其伐與國。獨不念先君。想得還師去。難堪此語聞。

齊侯無野

晉侯欲質其母。對曰。若以匹敵。則亦晉君之母也。

又漢太公事

我母亦君母。吾翁卽若翁。分羹何太忍。請質可堪從。

申生

姬泣曰。賊由太子。人謂太子。子舜。姬必有罪。曰。君老矣。我又不樂。乃縊死。

姬泣賊由子。子舜必罪姬。爲憂君不樂。甯死莫君知。

晉文公

寺人披伐蒲公曰君父之命不校校者我讎也逾垣而走披斬其袿伐蒲君父命校者是吾讎披直寺人耳鉏麇信有謀

秦康公

晉文公甥渭陽詩云我見舅氏如母存焉又曰我送舅氏悠悠我思懷哉送舅氏曰至渭之陽念母如存意悠悠寄二章

既醉君子

孝子不匱永錫爾類其類維何室家之壺釐爾女士從以孫子若爲錫爾類不獨善其身既念化家室還思遺子孫

四牡使臣

有功見知則說矣四牡騤騤豈不懷歸王事靡盬不遑將父懷歸將父母四牡苦騤騤是我心中事君從何事知

南陔孝子

南陔孝子相戒以養也晉束皙補亡爲養還相戒南陔昔有詩都存這箇意焉用補亡爲

白華孝子

白華孝子之潔白者也。

廉恥有微缺。須知孝未純。白華何所似。所以皎然身。

北山大夫

役使不均。已勞於王事。不得養其父母焉。王事靡盬。憂我父母。非止不得養。如憂父母何。忍能不我念。使我獨賢勞。

蓼莪孝子

民人勞苦。不得終養。哀哀父母。生我劬勞。欲報之德。昊天罔極。莫遂終養志。難酬罔極恩。哀哀父母。句腸斷不堪聞。

妹土小子

其藝黍稷。奔走事厥考。厥長肇牽車牛。遠服賈。用孝養我父母。勤耕藝黍稷。遠賈服車牛。奔走何爲者。心乎孝養憂。

老萊子

年已七十。父母猶存。著斑斕之衣。爲嬰兒戲於親前。

七十已中壽。人生似此稀。絕憐老萊子。猶自作兒嬉。

柳下惠

孝詩

三爲魯士師。曰。何必去父母之邦。

忍於父母國。去此欲何之。所以柳下惠。三爲魯士師。

子思

孔子喟然而歎。請曰。意子孫將忝祖乎。伋每以不克負荷爲大恐。子忻然。如何方喟歎。乃爾復忻然。念汝祖無忝。知子道可傳。

閔子

子曰。孝哉閔子騫。人不閒於其父母昆弟之言。又曾子母投杼事。參甯殺人者。三至尙逾垣。歎息。子閔子。孝哉無閒言。

有子

其爲人也孝悌。而好作亂者。未之有也。涼州易亂。課人課孝經。蓋勳。謂取怨。其爲人也孝。好亂未之聞。曾以是取怨。無人語蓋勳。

曾子

有疾。召門弟子曰。啓予足。啓予手。而今而後。吾知免夫。小子。全歸有明訓。珍重恐傷膚。小子啓手足。吾今知免夫。

子路

見孔子曰。今由也。累茵而坐。列鼎而食。願欲食藜藿。爲親負米。不可得矣。食藜殊列鼎。負米異重茵。不待今朝養。傷哉昔日貧。

子游

問孝。子曰。今之孝者。是謂能養。至於犬馬。皆能有養。不敬。何以別乎。犬馬何以別。斯言似太深。深言爲養者。可不敬於心。

子夏

旣除喪而見。孔子與之琴。彈之而不成聲。作而曰。哀未忘也。爲有心中事。琴音自不和。禮雖弗敢過。哀若未忘何。

子貢

曰。賜也。願息於事親。又曰。大哉死乎。君子息乎。又大塊息我以死。未須論大塊。以死息乎人。所願學。賜也。始惟息事親。

林放

問禮之本。子曰。禮與其奢也。甯儉。喪與其易也。甯戚。故甯戚以儉。罔或易而奢。致得千載下。人稱問禮家。

樊遲

孝 詩

問辨惑子曰一朝之忿忘其身以及其親非惑與
當知一朝忿必不忍於人豈止身忘卻還應及乃親

闕黨子弟

闕黨之子弟罔不分均有親者取多孝悌以化之也
既漸夫子教罔不有分均何復聞多取齊言彼有親

樂正子春

侍親疾復加一飯則脫然疾愈復損一飯則脫然疾愈
向非親在念念念每精專未必飯加損能令疾脫然

公明宣

學於曾子曰宣見夫子之親在叱咤不至犬馬宣說之學而未能也
子於親在日叱咤不聞聲既曰見而說應無學未能

孔子黨人

孔子曰吾黨之直者子爲父隱直在其中矣
忍以證羊故而云我直躬那知爲父隱直故在其中

孟莊子

孟莊子之孝。其不改父之臣與父之政。是難能也。
無改父之道。直堪以孝稱。若論莊子孝。此直是難能。

孟懿子

問孝子曰。無違。樊遲御。子告曰。生事之以禮。死葬之以禮。祭之以禮。
不復問無違。祇應懿子知。尙愁人不省。以禮告樊遲。

孟武伯

問孝子曰。父母惟其疾之憂。

父母之愛子。心乎惟疾憂。可能不自愛。而忍使親愁。

管仲

曰。吾嘗三戰三走。鮑叔不以我爲怯。知吾有老母也。
戰敗不差走。誰爲知我深。叔知我有母。亮我走時心。

晏子

曰。使吾父之黨。無不樂生者。使吾母之黨。無不足衣食者。
母家合足食。父族使安生。睦黨可爲孝。能之惟晏嬰。

晉君子

孝詩

民從征役。不得養其父母。父母何怙。父母何嘗。悠悠蒼天。曷其有常。何怙復何嘗。銜悲問彼蒼。蒼蒼不可問。重使我心傷。

穎考叔

酈羹感鄭莊公。母子如初。見左傳。茅焦諫始皇。卽虛左迎母。見史記。茅焦甘伏質。考叔請酈羹。大隧如初樂。咸陽虛左迎。

魏孝子

役於大國。陟彼岵兮。瞻望母兮。狄仁傑登山望雲曰。吾親舍其下。念母嗟陟岵。思親徒望雲。可憐魏孝子。不比狄參軍。

衛七子

凱風美七子。能盡孝道。以慰母心。小弁。小人之詩也。何以言之。曰怨。幾諫勞不怨。明明載魯論。未應小弁作。得並凱風言。

石祁子

石貽仲卒。卜所以爲後者。曰沐浴佩玉則兆。不沐浴佩玉。石祁子兆。執親之喪者。可沐浴其身。不待石祁子。知非佩玉人。

文氏子

既除喪而越人弔。待廟垂涕洟。子游曰。其庶幾乎亡於禮者之禮也。服除有弔者。待廟至垂洟。亡於禮之禮。斯人其庶幾。

公叔戌

請父諡於君。君曰。夫子不亦貞惠文乎。故謂夫子貞惠文子。

若把夫子論。無慙貞惠文。不應其子戌。至自請於君。

靈輶

翳桑餓者。趙宣子食之。舍其半云。欲遺母。宣子使盡之。而別具食與其母。

翳桑一餓者。念念母之存。賴有趙宣子。能爲別具殮。

葉公諸梁

后臧從其母于吳。不待而歸。葉公終不正視。

隨母適異國。先歸汝忍能。致人不正視。應是得人憎。

伍

楚將殺其父奢。慮二子爲患。曰。以免其父召之。彼仁必來。尙歸死。員奔吳。

此以父免召。彼如仁必來。員乎竟何益。尙也最堪哀。

賈獲

孝詩

陳大夫鄭師入陳。獲載其母妻奔。逢陳侯。下而授公車。與妻扶母奔。亦免。扶母猶可免。棄君安所之。可能共載母。忍不授君綏。

周紹

趙王謂曰。人有言子者。曰。父之孝子。君之忠臣。故寡人欲子之。傅王子。欲得忠臣者。求之孝子門。如何。傅王子。尙復待人言。

王孫賈

母曰。汝朝出晚歸。則吾倚門而望。今王走。汝尙何歸。賈募人殺淳懿。爲齊臣子者。此日若無聞。獨有王孫賈。能知慰倚門。

扶蘇

趙高詐爲書。賜扶蘇死。蒙恬疑之。欲復請。扶蘇曰。父而賜子死。尙安復請。父賜子以死。君侯安所疑。忍哉。指鹿相。無復祖龍知。

丁蘭

至孝。刻木爲母像。事之如生。蘭婦誤燒木母面。應時髮落如割。一靈長皎皎。如月不離天。要以純誠感。非因刻像然。

韓伯瑜

母杖不痛。哀母力弱。對母悲泣。梁彥先使焦通觀其像。通感悟盡孝。母力今衰矣。悲啼得杖輕。流風存繪畫。猶足感焦生。

鄭寄

與呂祿善。周勃刳其父。商使寄給祿出游。勃乃得入北軍。直以刳父故。蒙他賣友名。閒將誅呂論。非勃亦非平。

賈誼

治安策曰。借父耰鋤。慮有德色。母取箕箒。立而詐語。詐言取箕箒。德色借耰鋤。不是賈年少。還能痛哭無。

馮唐

以孝著。爲郎中署長。文帝輦過。問唐曰。父老何自爲郎。知以孝行著。還應不問唐。可憐止輦問。何自得爲郎。

韋孟

楚元王傳。及王戊淫亂。孟去位徙鄆。作詩諷諫。又曰。旣去禰祖。惟懷惟顧。去土猶諷諫。懷祖重傷情。誰識有韋孟。人惟說穆生。

田叔

孝許